






PAMFLET

569









**C** Vermaninghe voorden  
Raet ende Ghemeente  
der Stadt van Groe-  
ninghen



Gheprent bytten Iondē Anno M. D. LXXXI.

569  
24



569

## Vermaninghe voorden Raet en Gemeente der Stadt van Groeninghen,

**D**er alle beclaechlicher saecken/ is dese die alder beclaechelicste/ dat de mensche tot liefde dienste ende weluaren om zyns gelücken gheschapen wesende/ dese zyne heerliche middelen so men chwerue verheert/ tot ondiensche/ vianschap en bederffenisse/ beyde zyns naesten ende zyn eyghen selfs: Niet te min sulcx dat het wel te recht mach ghesproken zyn: dat de eene mensche des anders of een Godt sy / dat is een hulpere/ off een Wolf/ dat is een verderuere. Ghelichmen te meer reysen ghesien heeft/ en (leyder Godt) noch desen huydigē dach siet/ in dese Nederlantsche oorlogē.

Waer af de oorfsake wesen moet/ een secker misverstant/ of deur onwettheit/ of deur valsche listen van onsen ersoianden opgeresen/ want wy en achten niet dat in dese Nederlanden eenighe ghemeente sy so verheert ofte boos van herten / sy en wilde wel ten eynde van haer voornemen deur ghesuouchelicker middelen gheraken / dan deur dese bloedighe inlandsche oorloghen/ aengheken de dagelicsche ernarentheyt ghenoech bewijst/ dat soodanighe oorlogen geen middelen en zyn/ van beslichtinze der saecken/ maer van een grondige bederffenisse/ waer deur sy haer voorrenomen eynde/ niet alleen niet en erlanghen/ maer daerenteghens sich verstrickt vinden in meerdere ellende dan sy nu rechtevoort hare grootste vlanden / fouden connen ghewenschen.

Want dit is aller weghen het verneemste profijt der inlandscher oorlogē dat d'ouerminner sich meer benaut ende beschadicht vindt/ dan de verwonnen/ Iae men heeft altijt bevonden dat de verminnere/ deur bedroeftheyt en verslagentheyt des ghemoets/ nae zyn victorie/ den verwonnen zyne mede-vozgheren beter conditien van vrede ende verdzach heeft vergunnen / Van waermede men de saecke van aenbeginne sonder viandschap en bloedstotinghen hadde moghen beslichten/ het welck niemant en can gheloochenen/ welck nimmers de oude gheschiedenissen eenichsins beken zyn.

In alle dese saecken heeft de goede ghemeente van Groeninghen te bedencken/ welcke ende hoedanighe de oorloghen van dese Nederlanden zyn/ wat deel sy daer inne hebben ende waeromme.

Want dese oorloghen en zyn niet aengheuangen tegens onse Landtsaten/ maer tegens de Spaengiaerden en heuren aenhangeren/ niet vuyt oorfsaacken van eenich misverstante der Inges tenen onder malcanderē/ maer vuyt de verdzuchtige der vreemder Tyrannen/ niet om inlcanderen in eenighe gherechticheyt te vercoyten/ of d'ene den anderen yet af te eysschen/ maer om malcanderen als ghebieders en nauerliche verbonden liden matē onse oude aengheboorn. vuyt en eenen yedren zyne Privilegien te verbedi-



dedighen/en te helpen handthouden / teghens de verdruckers ende erfghes  
fwozen vyanden vanden staet/eere/rijckdom/voorzpoet/vydomme en ghe  
rechticheyt onses lieuen vaderlands.

Waer inne de goede ghemeyne van Groeninghen niet het minste deel  
behoorden toe te comen / dwelcke van dese Nederlandtsche prouintien den  
Spaengiaert wel de minste verbonden zijn/ vuyt dien sy met den Emmelans  
den/den seluen noyt anders aenghenomen noch erkent en hebben al . haren  
beschermheere. Ende nochtans naden eych ende mate van dese hare vry  
heyt. wel de meeste verhozt en verdrucht zijn gheweest / vuyt dien de selue  
Spaengiaerts de welcke haer behoorden te beschermen tegens zynen eedt  
ende plicht/ in haer vrye stadt een gheweldich Casteel/en nest zynen tyran  
nie ghebout heeft tot haer verdruckinge/ en om zyn beschermrecht tot een  
gheweldighe vol. omen heerschappye te verhooghen.

Glyckende mi dat dese ieghenwoordighe Nederlandtsche oorlogen eer  
ste ieghens de Spaengiaerden tot behoudnisse vande algemeyne aer ghe  
boorne vryheyt/ en handthoudinghe van eens peders Priuilegien zijn aen  
genomen en op den seluen voet byden Statē des Landts alsnoch gevoert  
worden / hoorende nochtans en sprentende dat ondertusschen den cruch te  
gen de selue aengheuanghen mede geworden is eenen beschreyelicken in  
landtschen kruch. Soo moet daer vuyt dan nootsakelicken volghen dat de  
ghene die sich met den seluen Spaengiaerden naderhandt vermengt en ghe  
recht hebben/die oorsaecken middelen ende instrumēten zijn/ waer deur  
d'oorlogen teghens sulcke vzeemde tyrannen ontgonnen tot desen bedroef  
den Inlandtschen kruch verandert zijn/want aen dese zide zijn wy en bly  
uen noch totten vuytersten droppel onses bloets toe (om onse aengheboor  
ne vryheyt te beschermen) vyanden vande voorē vzeemde tyrannen / die de  
selue ons willen ontrecken/niet anders wenshende noch biddende/dan dat  
alle de Prouintien/met ons in liefde vrientschap/ende in soo vrien eerliken  
stantafighen ghemoet vereenicht mochten bliuen/ om een soo rechtueer  
dighen saecke als wy met ghemeyne wapenen hebben aenghenomen/alsoo  
doek met ghemeyne wapenen vuyt te voeren.

Het sy dan verre dat wy souden wesen ernighe onser landtsaten of e me  
deborgheren vyanden/ter wile wy geen andere oorloghe en hebben aenge  
nomen/dan tegens de Spaengiaerden en heere aenhangheren. maer het is  
waer (leyder Godt) dat een deel onser eyghener landtsaten en medebor  
ghe. en niet ieghenstaende sy met ons wapenen hadden opgenomen/ on  
se vyanden gheworden zijn/die hen metten vzeemdelingen ieghens ons ge  
uoecht hebben/ tot onser en harer aenaherboorne vryheyt slaudensche ver  
druckinghe/teghens de welcke wy moeten tot onsen grooten leetwesen/en  
met bedroeffnisse onse wapenen voorden/ om dat sy haer inden leger der  
A 9 vyanden



opanden als der seluer dienaren ende slaouenen teghens ons vinden laten/  
niet tegenstaende men hen daghelix den wech opent en verscheyden midde-  
len voorwent/om den opandt te verlaten/hare en harer vroomer vooroude-  
ren eere te betrachten/als vrome Edelluyden/Steden en Borgheren toe-  
coempt/haer aenghevoorne vryheyt met goet en bloede te verdedighen/em-  
mers geensins haerder schande laten aengaen / dat sy en hare nacomelinge-  
ghen inder gheheuenisse van toecomende tijden om hare onvromicheyt/  
onstantasticheyt/lichtueerdicheyt/ cleyntmoedicheyt / ende andere leeliker  
schanttoecken wille/altoos veracht ende ghescholden souden worden.

Toch allen desen niet teghenstaende bliuen sy tot noch toe hartnechziger  
tot haers eygen vaderlands gantsgrondige bederffnisse/en harer hooch-  
ste oncere/dan sy by ons stantvastich gheweest zijn/ tot haers eygen vader-  
lands verlossinghe/harer en harer nacomelinghen ewighe eere/zulcx oock  
dat sy den opandt met harer afwijkinghe van ons/ en aencomste tot hen/  
soo verre ghesetcht hebben/ datmen aen dese zijde ghedwongen is geweest  
aen onse nabueren eken gelijcke swaricheyt als wy versocht en met Godes  
hulpe deurtomen zijnde/ hulpe en troost te versoeken/om ten eynde te ghe-  
raecken / van egheene wy by ons seluen sonder eenighe beswaernisse mach-  
tich waren vuyt te voeren so het den afgeweechenen allenlich beliest had.  
De stantastich ende vroom te bliuen.

Maer dese zijn de voornemste listen van onse schalcke opanden/ter wil-  
len sy tot haren voornemen (om ouer desen gantschen lande na hare moet-  
wille te heerschen) niet en sien te geraecken / duerende onse stantastighe  
vrome eenicheyt: Wat moghen sy beter doen/dan dat sy den simpel en af-  
gheweekenen met schoone woorden en hooghe beloften (de welcke sy roch  
goeden coop hebben) soo langhe betrecken en onderhouden/tot dat sy den  
eenen dooz den anderen hebben onderghebrocht. Soo moeten dese arme  
slechte menschen haer ghebruycken laten tot de brugge der opanden ende  
hen spoorvoghels dienen.

Desen niet ieghenstaende vraghen sy noch waeromme wy niet soo wel  
ons aen hen en voeghen/als wy wel wilden dat sy met ons gebleuen ware?

Eerstelick geuen wy een peder te bedencken / dat wy ons met hen lieden  
niet en connen ghevoeghen sonder dese vreemdelinghen onse erfopanden  
te kinnen niet alleen dooz onse vrienden / maer oock dooz den gheenen die  
ouer ons/onse vrouwen en kinderen/haer moetwillighe gheweldighe heer-  
schappij souden hebben te ghebruycken/Ten tweeden soo en begheren wy  
geen onvrome wepelaers noch meynedige verdruckers te zijn van onsen  
lieuen vaderlande/ wy houden ons oock van te goeden voorouderen gebo-  
ren/dat wy dooz eenighe onse cleynherticheyt ons souden willen buyghen/  
onder sulcke gheweldighe heerschappij/Ae eenighe ghemeynschap soudē  
maecken



maecken ofte houden/ metten gheenen die noyt anders ghetracht en hebbē/  
en nimmer anders en dencken te trachten/dan hoe sy ons/onse aengeboorne  
vryheyt/ onse heerliche rechten en Privilegien (de welke onse vrome voor-  
ouders ons met haren bloede vercreghen hebben) vuyt de hande sullen cun-  
nen gherucken/ Maer hier tegens en eyschen wy van onse medeborgen/die  
den vyanden zijn toe gheuallen/geen swaerdere conditien / dan die met hare  
vromicheyt/plicht/eere/woozt / en eedt bestaen/die des gemeene vaderlands  
hoochste vreespoet en weluaren aentreffen / die tot behoudnisse van hare  
en onse/harer en onser nacomelingen ingeboorne vryheyt soo gantsch noot-  
dich zijn/dat de versuymenisse vandiē/niet anders en can geweser/dan onse/  
harer en der gheheelder Nederlanden/eeuwighe grondighe bederffnisse en  
slauensche slavernije.

Men mach het somnighe Steden en Landtschappē eenichsins harē wel-  
bekenden lichtueerdighen aert toeschrijven/dat sy haren rock soo balt hebbē  
om zekeert/maer datmen den vromen borgeren van Groeninghen/dwelcke  
toch eenes anders aerts zijn/van oude vermaerde stantasticheyt en vromic-  
heyt/zulcr altoos souden moeten nagenen/ dat soude Iae den alghemeynen  
Vrieschen Vanden een sware bedroeffnisse zijn.

Daerom willen wy nu onse redene tot vlyden keeren ghy vrome inge-  
setenen van Groeninghen en V. indachtich maecke des heerliche roems/die  
ghy onder de vrome Vriesche Landtschappē altoos gedragē hebt/ V. willē  
wy doen gedencken aen uwe schoone vrydommen en Privilegien/ V. willen  
wy vrees ooghē leggen/den hoemoet die V. den meynedige Spaengiaerde  
hier tegens gedaen hebben/den welcken ghy niet min behoorde te vergetē/  
dan eenighe vande andere Nederlandtsche Provincien. Maer die V. vlyden  
desen hoemoet ghedaen hebbē/en zjnt niet de selue die wy voor geen vrien-  
den en hebben willen/noch en kunnen ghehouden/om dat sy V. en ons te sa-  
men ghesocht hebbē door een middel tot haer slauenē te makē/hoe coemt  
het nu dat ghy zulcr eer dan wy vergeten hebt? zjnt ghy clynder van herte/  
minder van gemoet/swacher van macht/ dan uwe vrome nabuerē/die lieuer  
de doot kiesē souden/ dan niet sulcke Tyrannen enige gemeynschap aen-  
gaen. Dit ist vrome borgheren/dit ist dat wy aldermeest verwonderen/niet  
wetende hoe V. vroom gemoet so mach veraert zjnt/dat ghy den voorleden  
trots die V. dese gedaen hebben/en noch trachten te doen/soo wel als sy ho-  
pen deur V. onse meesters te worden/ meer dan wy voor supcher kunnen op-  
eeten/en in uwe eertijds soo vrome vrye herten cunt verdouwē. Maer het  
waer een ghewinste saecke dat een gemeynte soo veel goede vogen haddē/  
alste wel der hoofden en der voeten een groote menichte heeft. Soo mochte  
sy sien en begrypē/ hoe lichtelicken sy met eenen ijdelē schijn V. an profijt  
bedrogē en verlept wozt/tot hare grondighe bederffnisse/de swaricheyt die  
ghy



ghy metten Ommelanden ghehadt hebt ter oorsaken van sommighe gherechticheden/ heeft W. eerst int spel ghebrocht/daer toe dese schalcken hebben weten goede opsteuckers te ghebruycken die W. grooten hoope deur schoone ghelooften ghemaect hebben: Recht of de geene die uwe en onser alghemeyner vryheyt erfopanden zijn/ en die in uwe stadt alle middelen hebben te wege gebracht/om ouer v te tyranniseren/beter uwe gherechticheyt souden beschermen willen dan de Staten vanden landen: Recht of ghy beter soudt verseeckert zijn vanden gheenen welker opset is/alle Nederlandsche vryheyt in slavernije te bekeeren dan vanden gheenen die niet anders en arbeiden/noch geen ander beroep en hebben/dan eens peders gerechticheyt en alghemeyne vryheyt rotten vuytersten druppel haers bloeds toe te verdedigen: Recht of ghy v beter te vertrouwen hadt in eenen meynedig en vreedelinc/die v so gantsch ontrou gevallen is/dan indē genē die v noyt gefaelgeert en zijn/maer stantaftrich zijn ghebleue/ en totten vuyersten toe hopen te bliuen teghens den gheenen die W. ghesaelgeert hebben.

Maer ouerlegt nu eens met ons uwe rekeninghe/ en besiet of W. dit misoerstant alreede niet duerder en staet/dā de geheele Omlandē indē gront weert zijn/hoe pael armer mensche zonder gemaect/hoe veel eerlike vrome luyden tot bedelaers/gehonde vrouwe tot ellendige verlate weduwe/cleynere onnossel kinderkiens tot arme weeskens/goeder luyden kinderen tot straetschenders/hoe menich bloede isser alreede vergote/hoe groote ontalliche schatten zonder verrooycht/en noch en isser tot verseeckeringe van uwen hope niet eene sterre van ghewichte in vrieslant noch Quernissel verouert/ de vrandt scheen ontlaet deur eenighe victorie groot voordeel ghecreghen te hebben/maer wat isser na gheuolcht/en heeft hy niet de Schantse van Nieuwül met schande moeten verlaten: zulk dat wy deur dese zijne victorie meer gesterct dan gekrenct zijn/wanneer meynst ghy dan dat hy ons enige sterre van gewichte/wāneer meynst ghy dan dat hy ons dan geheel vriesland sal aegenomen hebben: Daer en tussche zijt ghy alleen bedooten/sonder weluaert en neringe/sonder vrientschap van uwen vrienden/sonder gemeynschap van uwen Raebuyzen/ de onkosten van desen Oorloghen moet ghy alleen draeghen/ende wat gheloffen W. ghedaen worden van Ghelt ofte Volck dat men vuyt Spaengien W. schicken sal/ tselue beuint ghy maer pael spottinge te wesen/daer tegē ghy en uwe omleggēde goede gantsch bedorue wort en eene onuerdraechliche schade lyde moet zo wel vā d ene als d'ander zijde.

Doch of ghy no verseeckert waert dat ten eynde van thien of twaelf Jaeren onse erfscap inden noch eens onse Meesters soude worden/ende of schoon afdan uwe Stadt ende die Ommelanden niet alsoo verwoest en waren dat sie v gantsch onproffitelick en onnut souden geworden zijn/bedencht ghy ooc eens dē valsche aert van dese vreedelingē/ oft bepeyft ghy wel eens uwe stadt gheleghentheyt:want alsoo ghy wist tusschen vriesland en Quernissel

W. uy

ghele



gheleghen zyt/soo sullen sy ontwijfelicken van uwe plaetse een stercke doen  
maecken/tot eenen dwanck van V. en uwe omlegghende nabueren/Jae dat  
meer is/ter wijlen sy den hoochmoet beter sullen kunnen onthouden/die ghy  
hun int afwerpen van hare Casteelen ghedaen hebt/dan ghy arme mensche  
onthouden hebt den hoochmoet die sy V. int opbouwen gedaen hebben/soo  
sullen sy V. de selue Casteelen tot uwen coste stercker/vaster/en geweldiger  
doen opmaecken/dan sy oyt te vozens gheweest zyn/en ghemerct hebbende  
dat sy dooz faute van slappicheyt nochtans in haer tyranije de selue Ca-  
stelen eens verlozen hebben/soo sulte sy daer tegens met alle straffe toefichte  
soo wel hen weten te versterken/ dat ghy tjoek van hare wycede slavernije  
nimmermeer tot geenem daghen en sult kunnen ontcomen/Stelt V. dan in  
dit bedencken voor ooghen hoe dese heerschappen in Italien/ in Sicilien/in  
Indien/ in onse Nederlanden met alle die welgheleghene plaetsen ghehan-  
delt hebben / hoe sy de selue onder het derel vande onligghendee landen  
dwanck met stercken ende Casteelen in haren dwanck ghebracht hebben.

Ende dat ghy meynen soude desen last te ontcomen ofte hen daer tegens  
thoochste te bieden / wy bidden V. en acht haer niet soo slecht ofte simpel/ sy  
kunnen seer wel met haer Eeden ende belooften haer profijte doen/de welcke  
he sy houden ende breecken nae datse haer schadelich ofte profijtelich zyn/  
Daer beneuens weten sy haere saecken met sulcke mate te beleiden/ dat sy  
onder het decel van uwe hulpe / uwe macht soo seer breecken / ende noch  
meer breecken sullen/ dat ghy ten tijden als sy ons sullen meynen overwon-  
nen te hebben / niet vermuyghen en sult / V. teghens haer te stellen. Maer  
in alles overmits uwe swachheyt/ V. nae haeren wille sult moeten voegē.

Nu en willen wy V. daerentusschen niet voorhouden/in wat periculen  
ghy middeler tijt wesen sult / dan met practicken overnallen / ofte deur  
honger en noodt ghedwongen / ofte deur opoerte van uwe ghemeynte  
ghebroochen te worden/ In welken gheualle ghy / die nu tot soj groo-  
ten iammerlicken uwer nabueren schade metten hoope van merder heer-  
schappij verleydt zyt: lichtelicken deur Godes rechtueerdighe ghehenke-  
nisse soude moghen uwe Stadt ende heerschappij beyde ghelich verliezen/  
maet wy willen V. alleenlich voor ooghen leghen / dat ghy met eene ghe-  
ringhe veranderinghe van V. voornemen waer toe ghy deur de listen van  
hyemelicke ende onse openbare erfuyanden opgheroyt zyt) allen uwen oet-  
ende sorghe van verderffnisse cundt voorszcomen / en ghewisse vrienden vin-  
den die V. uw gherechticheyt ende Privilegien byde generale Staten sul-  
len helpen verdedighen / Bedenckende dat sonder uwe partyschap noch  
ghy noch wy in gheheel Orieslandt ende Ominelanden bald noch Oorlo-  
ghe noch vyanden meer en souden hebben/mer in aller vreedtsaemheyt als  
goede ghebueren/inghevoorne landtsaten/vrienden ende magen toecomtē

A uij

mes



met malcanderen soudē verkeerē / ghy uwe neeringhe / gheluck / en vooz-  
spoet / soudt erlanghen / ende een yeder weder tot zijne comende een nienwe  
vriendtschap met elck anderen ghemeyn hebben / Ende dat nu sulcx niet ge-  
beurt / dat het selue alleen uwe schult / en naest God aen v. alleen ghelegghen  
is / wy bekennen dat Godt / die ons castijt / v. tot een middel van onse castij-  
dinghe verweckt heeft / want sonder v. en waer in dese gantsche quartieren  
geen oorloghe / maer daeromme versoucken en vermanen wy v. of ghy v.  
moecht bedencken en Godt deur uwe bedenckinge die roede van v. en ons  
mocht afnemen / eer v (welcke altoos gheschiet is aenden gheenen die de  
middelen van de castijdinghe gheweest zijn) een ergher ouerquame / want  
alle dinghen hebben haren keer en ghemeynlick nemen d'inlandtsche oor-  
loghen sulcken eynde . Ghy waert alle te samen soo gantsch seer verbljdt  
doen de heere van Billy verrock / ende ghy deser vzeemdelinghen out / la-  
ghen wiert / ghy schoot / ghy vierden / ghy bedreeft allerhanden triumphen /  
bedenckt nu eens waerom ghy sulcx dedet / en of de selue oorlogen noch niet  
en dueren / Nae nu des te meer v. behooren te beweghen / om dese Spaen-  
sche creatueren quijt te worden / ter wijlen de schade die ghy deur hare wa-  
penen tot vooz uwe poorten liden moet / niet minder en is dan de verdruk-  
kinghe diese v voortjden hebben aenghedaen / Want voozwaer soo Godt  
almachtich den menschen de wijsheyt niet en bename als huse plagen wilt /  
t'waer onmoghelick en gantsch onghelooffelick dat soo een treffelike ge-  
meynte als der van Groeninghen dese bloedtgierighe tyrannen / van wel-  
ker tyrannie Godt haer met soo groote bljshappe aller inghesetenen ont-  
slaghen hadde soo coorts wederom soudē willen roepen / om haer voozgaen-  
de bljshap triumphen en verlossinghe selfs soo bald te verkeerē in so iam-  
merlike bedroeffenisse / desolatie en verdrukkinghe / maer ghelijck wy alle  
bekennen moeten dat sulcx niet gheschiet en is / noch en heeft cunne geschie-  
den / Godt en hebbe dan de menschen zijn gratie en wijsheyt ontrocken / so  
moet hy oock ghebeden zijn / dat hy allen den gheenen die door eenich mis-  
verstandt haer eyghen bedroeffenisse op haer ghehaelt hebben / hare herten  
verlichten wille.





